

三
國
志
注
補

三國志注補卷五十五

仁和趙一清譔

吳志列傳第十

後徙丹陽都尉居石城

方輿紀要卷二十七石城廢縣在池州府貴池縣西七十里
其後孫權封韓當於此

別討樂安

方輿紀要卷八十五樂安城在今饒州府德興縣東百五十
里漢餘汗縣地建安中孫氏析置

注吳書曰故南陽太守黃子廉之後也

何云風俗通義潁川黃子廉每飲馬輒投錢於水然則公覆

之祖自潁川徙零陵也又黃潛筆記云陶靖節詩昔在黃子廉彈冠佐名州湯伯紀注云三國志黃蓋傳注南陽太守黃子廉之後劉潛夫詩話亦云子廉之名僅見蓋傳案後漢書尚書令黃香之孫守亮字子廉爲南陽太守注及詩話舉其孫而遺其祖豈勿深考與子廉乃守亮之字亦非名也一清案黃香是江夏安陸人香子瓊瓊子琬無守亮其人者且東京人二名者亦少不知黃氏何從而得此說

隨周瑜拒曹公於赤壁建策火攻

方輿紀要卷七十六百人山在漢陽府西南七十里相傳周瑜與黃蓋詐曹公大軍所起處也南濱江有百人磯水經江水注鸚鵡洲之下尾江水溼洞浦是曰黃軍浦昔吳將黃

蓋軍師所屯故浦得其名

諸幽遂巴醴由誕邑侯君長皆改操易節

巴醴由誕四水名由卽油水誕卽澹水也水經注澧水又東澹水出焉王仲宣贈士孫文始詩所云悠悠澹澧者也

還討鄱陽領樂安長

宋書州郡志鄱陽太守領縣有樂安吳立

領永昌太守

此郡亦是遙領

東興之役綜爲前鋒

水經沔水注柵水東南積爲贛湖湖東有韓縱山山上有城縱卽綜也

孫策之襲袁術

袁術何氏校改李術案孫權傳注引江表傳策表用李術爲廬江太守則不應以兵襲之袁術李術皆於本傳不相合或襲字誤

拜別部司馬

刀劍錄蔣欽拜別部司馬造一刀文曰司馬隸書

調授葛陽尉

宋書州郡志葛陽吳立屬鄱陽內史

會稽治賊呂岱秦狼等爲亂

何云卽東冶賊治字誤

以經拘昭陽爲奉邑

方輿紀要卷八十一昭陽在寶慶府東五十里後漢析昭陵
縣置屬零陵郡一清案經拘晉宋志皆不載疑此文有誤蓋
欽屯宣城故其子壹封宣城侯其食邑當在丹陽不得遠屆
相郢也漢丹陽郡有涇縣有句容涇句昭陽或是鄉亭之名
下云以蕪湖田給欽妻子是也又凡封侯乃有奉邑蔣欽不
侯或史失之

惟泰奮激沒身衛權

沒一本作投

荊州平定將兵屯岑

水經澧水注涔水出作唐縣西南天門郡界南流逕涔坪屯
蓋屯戍之名在今澧州東北本文似有脫誤

拜平虜將軍

刀劍錄周幼平擊商公軍勝拜平虜將軍因造一刀銘背曰
幼平

注咸平意快爲之

威字何氏校改幼

拜泰漢中太守

此是遙領

陳武字子烈廬江松滋人

御覽卷四百四十六引陳武別傳曰武時人無察者頓邱閭
遐薦之於軍府或問武當今可與誰爲輩遐曰方謝道堅不
足比徐世璋有餘道堅世璋皆同時知名士也武聞之笑曰

乃處我季孟之間乎

初表所受賜復人得二百家在會稽新安縣

何云所謂復人者不知是有罪之人乎若以正戶贏民補其處則真以平民黨將家爲僮僕較之後世所謂驅戶其虐又有甚焉江左遺黎又何堪孫氏之政乎傳祚三世蓋天降亂瘼此下民適徼此辜也一清案宋書州郡志東陽太守領新安是時尚未立東陽郡故新安仍屬會稽

祖橫兩蒙衝挾守沔口以楫閣大繩繫石爲矼上有千人

何云挾御覽作俠方輿紀要卷七十六漢水東與大江會於大別山北其地名漢口山陰石上有石穴二處謂之鎖穴黃祖橫兩蒙衝守沔口卽此穴也

襲身以刀斷兩繩蒙衝乃橫流

刀劍錄董元代少果勇自打鐵作一刀後討黃祖於蒙衝河
元代引刀斷衝頭爲二流拜大司馬號斷蒙刀一清案蒙衝
舟艦名也今以爲河名云斷爲二流妄誕甚矣

注補蜀郡丞

蜀志劉焉傳注引英雄記曰璋將沈彌妻發甘寧反擊璋不
勝走入荊州正寧爲蜀郡丞時也

注表儒人不習軍事

一本軍譌也

注祖三年不禮之

一本祖字在三年下

西據楚關

方輿紀要卷七十八古捍關在夷陵州長陽縣南七十里楚世家肅王四年蜀伐楚取茲方楚爲捍關以拒之括地志捍關在峽州巴山縣亦謂之楚關

遂授盧兵屯當口

盧屯始屬孫皎皎督夏口後因酒失求屬呂蒙蒙督濡須觀本傳後文知之當口必在夏口相近

注今爲君致之

致何氏校改赦

盧建計先徑進取夷陵

方輿紀要卷七十八夷陵州本楚地秦屬南郡兩漢因之魏

武平荊州置臨江郡蜀漢改爲宜都郡吳黃武元年改夷陵曰西陵以爲重鎮焉向云旣取夷陵則江路通利進可以戰退可以守

羽聞之住不渡而結柴營今遂名此處爲關羽瀨

水經資水注益陽縣有關羽瀨所謂關侯灘也南對甘窪故壘昔關羽屯軍水北孫權令魯肅甘窪拒之於是水窪謂肅曰羽聞吾咳嗽之聲不敢渡也渡則成擒矣羽夜聞窪处分曰興霸聲也遂不渡

權嘉窪功拜西陵太守

西陵郡後併入武昌見孫權傳方輿紀要卷二十八甘公城在寧國府南陵縣北七里甃甓甚工繚以漳水可容數千人

四旁門址猶有存者或曰吳將甘寧嘗屯此俗謠爲甘羅城
卽起拜持酒通酌兵各一銀盤

何云通字上御覽有次字

注使監領三千人爲前都督

都一本作部

注徑詣曹公營下使拔鹿角

使乃便字之譌

寧卒權痛惜之子瓌

晉書甘卓傳卓字季思曾祖寧爲吳將祖述仕吳爲尚書父
昌太子太傅

守永平長

宋書州郡志吳分溧陽爲永平縣

勤剛勇任氣因督祭酒

祭字何氏校改察

拜盜寇中郎將領沛相

此亦遙領

自益陽從往合肥爲右部督時權徹軍

何氏校改往作征徹作撤

以爲便槩大節

便乃梗字之譌

使張承爲作銘誄

寰宇記卷九十一皋亭山在蘇州吳縣東北二十五里山東

有吳凌統墓有石碑云志毅果敢常爲前鋒
注是故雖令德無聞仁澤內著

內字何氏校改固

復討臨成南阿山賊

成當作城宋書州郡志宣城太守領縣有臨城吳立方輿紀
要卷二十七臨城廢縣在池州府青陽縣南五里吳赤烏中
析陵陽石城二縣地置屬丹陽郡

權出都亭侯貞

寰宇記卷九十蔡洲在昇州江寧縣西十二里周迴五十里
丹陽記云吳時客館在蔡洲上以舍遠使又有臨滄觀在上
元縣勞山上有亭七間名曰新亭吳所築古送別所

曹休出洞呂

呂字何氏校改口

盛以少禦多敵不能克

吳書徐盛與曹休戰賊積茅草欲焚盛燒船而去一無所
得

魏將夏侯尚等圍南郡分前部三萬人作浮橋渡百里洲上

方輿紀要卷七十八百里洲在荊州府枝江縣東北六十里
荊州記縣左右有數十洲盤布江中百里洲爲最大江至百
里洲而分流洲北爲北江洲南爲南江洲至江陵之汪津而
復合

時北風奉舉帆二日至遂據徐塘

方輿紀要卷二十六徐塘在濡須水東亦曰徐堨諸葛誕傳
吳賊欲向徐堨卽徐塘也蓋在東關之東

太平二年魏大圍之

何云二年下宋本有魏大將軍諸葛誕據壽春來降十二字
不可缺大元本作人

奉爲先登屯於黎漿

方輿紀要卷二十一黎漿亭在壽州東南水經注芍陂瀆水
東注黎漿水口東逕黎漿亭南又東注肥水謂之黎漿水口
可因臘會有陛下兵以誅之也

何云有字疑

建衡元年奉復帥眾治徐塘因攻晉穀陽穀陽民知之引去奉

無所獲皓怒斬奉導軍

宋書五行志孫皓寶鼎元年野豕入右司馬丁奉營後奉見遣攻穀陽無功皓怒斬其導軍及舉大眾北出奉及萬彧等相謂曰若至華里不得不各自還也此謀泄奉時雖已死皓追討穀陽事殺其子溫家屬皆遠徙事亦見陸凱傳注方輿紀要卷二十一穀陽城在宿州靈璧縣西北七十五里漢縣屬沛郡應邵曰縣在穀水之陽穀水卽睢水也晉省徙奉家於臨川奉弟封官至後將軍先奉死

宋書王僧綽傳初太社西空地一區吳時丁奉宅孫皓流徙其家江左初爲周顥蘇峻宅其後爲袁悅宅又爲章武王司馬秀宅皆以凶終後給臧廩亦頗遇喪禍故是稱爲凶地僧

綽嘗以正遼自居謂地無吉凶請以爲第始就造作未及成而敗

三國志注補卷五十五

番禺許之璇初校

番禺陶邵學覆校

南海桂銘球再覆校

三國志注補卷五十六

仁和趙一清譔

吳志列傳第十一

朱然字義封治姊子也本姓施氏

昌黎作太學博士施十二丐墓誌曰先生之祖氏自施父其後施常事孔子以彰讌爲博士延爲太尉太尉之孫始爲吳人曰然曰續亦載其迹然則是延之裔也

至權統事以然爲餘姚長

方輿紀要卷九十二餘姚縣有新舊二城舊城築於吳將朱然周不及二里後廢

曹公出濡須然備大陽及三關屯

大鴟卽濡須鴟也三關屯卽東興關也關當三面之險故吳人置屯於此

權遣潘璋楊粲等解

何云解下當有圍字

真等起土山鑿池道

池字何氏校改地

注襄陽記曰租音如租稅之租相中在上黃界

寰宇記卷百四十五引襄陽記黃下有西字方輿紀要卷七十九上黃城在襄陽府南漳縣東南五十里酈道元云晉平吳割中廬之南鄉臨沮之北鄉置上黃縣治輪鄉

九年復征桓中魏將李興等間然深入率步騎六千斷然後道

然夜出逆之軍以勝反

御覽卷六百八十七引吳書曰朱然破魏將李興等軍斬首五百級得鼓車三乘拜然左大司馬加賜御纖絨帽

諸葛瑾子融步隴子協雖各襲任

何云各宋本作名

然卒續襲業拜平魏將軍樂鄉督

方輿紀要卷七十八樂鄉城在荊州府松滋縣東七十里三國吳所築朱然嘗鎮此其後陸抗又改築馬屯兵於此與晉羊祜相拒胡三省曰樂鄉城北江中有沙磧對岸踏淺可渡江津要害之地也

紀南去城三十里

方輿紀要紀南城在荊州府北十里史記索隱楚都郢今江陵北紀南城是

下小丹陽湖熟

方輿紀要卷二十丹陽城在江寧府西南五十里本秦縣漢仍爲丹陽縣隋開皇九年廢入溧水縣俗謂之小丹陽對丹陽郡而言也

又從攻祖郎於陵陽太史慈於勇里七縣平定

太史慈傳云策已平定宣城以東惟涇以西六縣未服連涇數之得七縣勇里當在涇縣

還平鄱陽

方輿紀要卷八十五鄱陽城在饒州府東六十里故縣渡漢

縣蓋治此卽吳芮所居也後漢時縣亦治焉建安八年鄱陽山越亂孫權使呂範討平之自晉以後皆爲鄱陽郡治志云今府城本吳芮築廣周七里吳時周瑜增九里三十步或曰此卽鄱陽故城非今郡城也郡城蓋唐初所築

拜裨將軍領彭澤太守

彭澤郡後廢入豫章方輿紀要卷八十五彭澤廢城在九江府湖口縣東三十里建安十四年孫權置彭澤郡以呂範領太守尋廢

以彭澤柴桑歷陽爲奉邑

陽當作陵吳時歷陵屬鄱陽三縣地相連不應遠取九江督扶州以下至海轉以溧陽懷安寧國爲奉邑

扶州亦見賀齊傳蓋齊分督也宋書州郡志宣城太守領縣有懷安盜國皆吳立

範卒遷安軍中郎將

軍疑作東

太元元年大風江水溢流

水下何氏校增盛字

詔文欽劉纂唐荅等使取據

纂當作纂

又遺從兄慮以都下兵逆據於江都

孫亮傳慮作憲

後代周泰爲濡須督黃武元年魏使大司馬曹仁步騎數萬向

濡須仁欲以兵襲取州上僞先揚聲欲東攻羨溪

方輿紀要卷二十六羨溪在無爲州東北亦謂之中洲杜佑曰羨溪在濡須東三十里

分遣將軍常雕督諸葛虔王雙等乘油船別襲中洲

此別一王雙

仁自將萬人留橐皋

方輿紀要橐皋城在無爲州巢縣西北六十里一名會吳城
漢縣屬九江郡後漢省

遷奮武將軍領彭城相

此亦遙領

桓進計曰休本以親戚見任非智勇名將也今戰必敗敗必走

走當由夾石挂車此兩道皆險阨若以萬兵柴路則彼眾可盡而休可生虜臣請將所部以斷之若蒙天威得以休自效便可乘勝長驅進取壽春割有淮南以規許洛此萬世一時不可失也

方輿紀要卷二十六淮南有兩硖石在壽州淮水上者曰北
硖石在桐城者曰南硖石薛氏謂淮西山澤無水隔者有六
安舒城走南硖之路南硖所以蔽皖也漢建安十九年孫權
攻皖張遼自合肥馳救至硖石聞城已破築壘硖石南而還
謂之南硖戍吳黃武六年曹休攻皖陸遜朱桓等拒之休敗
追至硖石斬獲無算今山爲控扼要口北拒廬鳳南指江黃
此爲通道挂車嶺在懷寧府桐城縣西四十里上有掛車石

漢都長安江淮往來此爲要路九域志桐城縣有掛車鎮以
掛車嶺而名一清案惜哉此謀之不用也君子是以知吳之
不能跨涉中原也明矣

注異等皆言宜速還豫章襲石頭城

方輿紀要卷八十四石頭驛在南昌府章江門外十里有石
頭渚水經注贛水經豫章郡北水之西岸有盤石謂之石頭
津步之處汪藻曰自豫章郡絕江而西有山屹然並江而出
者石頭渚也阻江負城十里而近

注異投書於地曰不用我計而用侯子言
何云侯宋本作侯

注吳書曰紂要異相見將往恐陸抗止之

恐空疑誤或下有脫文

注異曰子通家人耳

孫峻字子遠通字鴻

番禺許之璇初校

番禺陶邵學覆校

三國志注補卷五十六

南海桂銘球再覆校

三國志注補卷五十七

仁和趙一清撰

吳志列傳第十二

虞翻字仲翔會稽餘姚人

注翻能疏步隨之行一大道○何云一宋本作及

注卿復以功曹爲善蕭何

一本善作吾

注爲孝廉除害執事圖之

何云宋本執上有惟字

漢召爲侍御史

寰宇記卷九十六御史床在會稽縣東南四里虞翻爲長沙

桓王所重特設此床以表賢翻仕漢至御史故梁元帝玄覽賦云御史之床猶在都護之門不修一清案漢以侍御史徵翻翻不就蓋未嘗一日立漢庭也記云仕漢誤耳南史竟陵王子良傳爲會稽太守郡閣下有虞翻舊床罷任還乃致以歸

關羽既敗權使翻筮之得兌下坎上節五爻變之臨翻曰不出二日必當斷頭果如翻言

卦變又與今說不同節五爻陽也動則變陰二陽在下四陰在上臨之象也臨卦辭云至于八月有凶自二至五乃隔三四兩爻不出二日是以一爻當一日也

權積怒非一遂徙翻交州

御覽卷百八十引樓承光別傳曰樓玄到廣州密步虞仲翔故宅出遂徘徊躑躅哀嘆慘愴不能自勝耳

注奉承策命

一本策作革

又爲老子論語國語訓注皆傳於世

隋書經籍志虞翻注老子二卷論語十卷春秋外傳國語二

十一卷

注臣先考故曰南太守歆

何云宋本先作亡陳琳檄吳文虞文繡砥礪清節耽學好古仲翔能負析薪文繡之名注家未及詳

注習經於枹鼓之間講論於戎馬之上蒙先師之說依經立注

隋書經籍志虞翻注周易九卷梁有虞翻陸續撰周易卦象數旨六卷又有周易集林律麻一卷易律麻一卷

注又奏鄭玄解尙書違失事因

何云宋本因作曰

注玄頗有纏錯更爲立法

何云宋本法作注

注臣松之案翻云古大篆卯字讀當言柳古柳卯同字

柳卯當作柳卯下同何云卯卽大篆酉字與卯不同卯古文作兆裴謂字同音異誤矣詳見說文第十五卷

注孫潭光祿大夫

晉書列傳丁潭字世康

注求與丁覽卜清等爲比

卜靜見顧雍傳清字誤

注以遼東海絕

絕下疑脫遠字

注於海中遭風多所沒失

何云遭風沒失乃泊成山而爲田豫所破

歸葬舊墓妻子得還

孔穎會稽記曰昔虞翻嘗登赭山周望四郭誠子孫曰可畱江北居後世祿位當過於我聲名不及耳然相繼代興居江南必不昌

注會稽典錄曰孫亮時有山陰朱育少好奇字凡所特達依體

三國志沿補卷五十一
像類造作異字千名以上

隋書經籍志會稽土地記一卷朱育撰育名位見鍾離牧傳

注

注太尉山陰鄭公

東海鄭弘也

注及陳宮費齊

此別一陳宮

注餘姚伍隆鄧模侯主簿任光

鄧當作鄧模侯二字疑誤或云莫侯乃鄧之翻切當作小字
勦寫又脫去反字耳

注故太尉上虞朱公

朱儁也

注餘姚嚴遵

何云嚴遵是君平育於先賢之名亦有誤乎范史云一名遵
亦惑於此語也

注故桓文遺之尺牘之書

文字疑誤當作王卽孫伯符也

注其文章之事

何氏校事字改士

注勢上安宗廟

何云宋本勢作將

注忠子諱

譜當作潭晉書列女傳虞潭母孫氏孫權族孫女也初適潭父忠恭順貞和甚有婦德及忠亡遺孤藐爾孫氏雖少誓不改節躬自苦養劬勞備至性聰敏識鑒過人潭始自幼童便訓以忠義故得聲望允洽爲朝廷所稱

聳越騎校尉

晉書天文志虞喜作安天論臺族祖河間相聳立穹天論吳太常姚信造昕天論虞喜虞聳姚信皆好奇徇異之說非極數談天者也困學紀聞曰月令正義穹天虞氏所說不知其名天文錄云虞聳作穹天論晉志虞聳立穹天論非是也

注會稽典錄曰聳字子文

何云宋本子作世

陸續字公紀吳人也父康漢末爲廬江太守

後漢書陸康傳廬江賊黃瓌等與江夏蠻連結十萬餘人攻沒四縣拜康廬江太守康申明賞罰擊破瓌等餘黨悉降帝嘉其功拜康孫尚爲郎中獻帝卽位天下大亂康蒙險道孝廉計吏奉貢朝廷詔書策勞加忠義將軍秩中二千石
續雖童蒙竊所未安也昭等異焉

御覽卷二百六十四引陸續別傳曰太守王朗命爲功曹風化肅穆郡內大治

星厯算數無不該覽

隋書天文志北極辰也其紐星天之樞也天運無窮三光迭耀而極星不移故曰居其所而眾星拱之賈逵張衡陸續王

三國志卷第十一
蕃皆以北極紐星爲樞是不動處也

出爲鬱林太守

唐書陸龜蒙傳陸氏在姑蘇其門有巨石遠祖續爲鬱林守罷歸無裝舟輕不可越海取石爲重人號鬱林石世保其居注易釋文皆傳於世

隋書經籍志周易十五卷楊子太玄經十卷陸續注以輔義中郎將使蜀

御覽卷四百七引吳錄曰英才瓊偉拜中郎將聘蜀與諸葛亮結金蘭之好焉

會稽豔事起遂因此發舉豔字子休亦吳郡人也

隋書經籍志有暨氏家傳一卷又暨豔集二卷梁三卷錄一

卷葉夢得石林燕語曰元豐五年黃寃仲勗唱名有暨陶者
主司初以泊音呼之三呼不應蘇子容時爲試官神宗顧蘇
蘇曰當以入聲呼之果出應上曰何以知爲入聲蘇言三國
志吳有暨豔陶恐其後遂問陶鄉貫曰崇安人上喜曰果吳
人也何云暨陶九成云當音結案廣韻作居乙切讀如擊

豔性狷厲

何云狷御覽作峭

又溫語賈原當薦卿作御史語蔣康當用卿代賈原專銜賈國
恩爲己形勢揆其奸心無所不爲

此吳王假以示意其刻骨之恨故在表辭以暨豔事坐溫者
溫方爲眾望所歸欲移眾之怨豔者使之怨溫又吳王之謀

術也暨徐之獄類魏崔毛誅廢事惟蜀無之

國家之於暨豈不內之忌族

姜云忌族卽尙書圮族

納愚言於聖德

一本德作聽

後六年溫病卒

隋書經籍志張溫集六卷又撰三史略二十九卷

駱統字公緒會稽烏傷人也父俊官至陳相爲袁術所害

後漢書孝明八王傳注引謝承書曰俊拜陳國相人有產子厚致米肉達府主意生男女者以駱爲名袁術使部曲將張闔陽私行到陳之後所俊往從飲酒因詐殺俊一郡吏人哀

號如喪父母

注陳與北界

北字何氏校改比

其姊仁愛有行寡居無子

何云居宋本作歸

出爲建忠郎將

何云忠下宋本有中字

黃武七年卒

隋書經籍志駱統集十卷

陸璫字子璋丞相遜弟也少好學篤義陳國陳融

隋書經籍志陳子要言十四卷吳豫章太守陳融撰

及同郡徐原

原字德淵見呂岱傳

又璗從父續早亡一男一女

何云宋本作二男

且沓渚去淵

沓渚卽漢遼東郡沓氏縣也說見魏志三少帝紀

璗卒子喜

晉書呂彥傳武帝嘗問彥陸喜陸抗二人誰多也彥對曰道德名望抗不及喜立功立事喜不及抗

亦涉文籍

何云亦御覽作頗

注吳錄曰喜字文仲

晉書作恭仲好學有才思嘗自敘其書近百篇吳平又作西州清論傳於世借稱諸葛孔明以行其書也子育爲尚書郎弋陽太守

吾粲字孔休吳郡烏程人也

注吳錄曰粲生數歲孤城嫗見之

孤城下以趙達傳注校有鄭字

三國志注補卷五十七

八

番禺許之璇初校

番禺陶邵學覆校

南海桂銘球再覆校

三國志注補卷五十七

三國志注補卷五十八

仁和趙一清撰

吳志陸遜傳第十三

陸遜字伯言吳郡吳人也本名議世江東大族

軍屯利浦○利浦卽當利浦見孫策傳

得務北進

何云得宋本作但

不見至尊

不字何氏校改下

茲聞徐晃等步騎駐旌

步一本作少是也下云恐潛增眾則少字義長

三國志注補卷五十八

廣雅書局

遜徑進領宜都太守

水經江水注夷道縣漢武帝伐西南夷路由此出故曰夷道
魏武臨江分南郡置臨江郡劉備改曰宜都郡治在縣東四
百步故城吳丞相陸遜所築也宋書州郡志宜都太守大康
地志王隱地道記何志並云吳分南郡立張勃吳錄云劉備
立案吳志呂蒙平南郡據江陵陸遜別取宜都獲秭歸枝江
夷道縣初權與備分荊州而南郡屬備則是備分南郡立宜
都非吳立也習鑿齒云魏武平荊州分南郡枝江以西爲臨
江郡建安十五年劉備改爲宜都一清案劉封傳以孟達爲
宜都太守是也

又攻房陵太守鄧輔南鄉太守郭睦

此二郡皆屬漢置

備知其計不可

何云御覽可作行

斬張南馮習及胡王沙摩柯等首

方輿紀要卷七十四定笮廢縣漢屬越雋郡華陽國志云摩
沙夷所居沙摩疑是摩沙

備升馬鞍山

方輿紀要卷七十八馬鞍山在夷陵州西北二十里

備因夜遁驛人自擔饑皮鎧斷後僅得入白帝城

江表傳曰備舍船步走燒皮鎧以斷道使兵以錦挽車走入
白帝

及才略大施

何云才宋本作方

加拜遜輔國將軍領荊州牧

鼎錄陸遜破劉備軍鑄一鼎紀功其文曰破備鼎

權使鄱陽太守孫鯤謫魏大司馬曹休

孫當作周

凡所賜遜皆御物上珍於時莫與爲比遣還西陵

御覽卷六百八十七引吳書曰陸遜破曹休於石亭還上脫翠帽以遺遜又卷六百九十六引吳書曰上脫御金校帶以賜遜又親以帶之爲鉤絡帶又卷七百七十引吳書曰遜破休當還西陵公卿並爲祖道上賜御船一舫縉綵舟也一清

案是役也孫權倘從朱桓之謀則曹休幾至隻輪不返惜爲遜所阻耳傳專敘彼長不言其短是爲曲筆

建昌侯慮於堂前作鴨欄

方輿紀要卷七十七鴨欄磯在岳州府臨湘縣東北十五里相傳吳孫慮作翻鴨闌於此今有鴨闌水水經江水注右歷鴨闌磯北江中山也東得鴨闌治浦二口夏浦也

自不姦穢入身

何云不元板作非

軍到白圍託言往獵潛遣將軍周峻張梁等擊江夏新市安陸石陽

方輿紀要卷七十九白河在襄陽府東北十里其上流卽河

南南陽府湍洧諸水所匯流也自新野縣流入界經光化縣東至故鄧城東南入於沔水三國時於河口立圍屯魏青龍二年吳陸遜引兵向襄陽不克而還行到白圍是也一清案安陸是時屬魏而周飭傳飭誦曹休牋云別遣從弟孫煥治安陸城修立邸閣則漢安陸縣故城也蓋其地爲魏吳邊邑故一彼一此疆場無常所也

不遑鑒寐

何云鑒元板作假

宜有盤石之固

盤當作磐

而遷外甥顧譚顧承姚信並以親附太子枉見流徙

因學紀聞載姚信誠子曰古人行善者非名之務非人之爲
險易不虧始終如一又隋書經籍志周易十卷吳太常姚信
注又集二卷

遜憤恚致卒時年六十三

寰宇記卷九十五引吳地記曰二陸宅在長谷谷在吳縣東
北二百里谷名華亭谷水下通松江昔陸遜陸凱居此谷谷
東二十里有昆山遜父祖墓在焉故陸機思鄉詩鬢鬢谷水
陽婉蹙崑山陰昆山有陸遜墓

在我下者則扶持之

何云持宋本作接

自關羽至白帝

日知錄曰當云自益陽至白帝一清案關侯瀕與白帝城相對文義上刪瀕字下云城字史之省文然不可通也

拜抗都督信陵西陵夷道樂鄉公安諸軍事

方輿紀要卷七十八信陵城在歸州巴東縣四十五里水經江水注自夔城而東逕信陵南卽此寰宇記卷百四十六東晉孝武帝時荊州刺史桓沖以苻堅彊盛自襄陽進屯上疏云孱陵縣界地名上明田土膏梁可以資業軍人在吳時樂鄉城以上四十餘里宋郡城卽吳陸抗所築在松滋縣界

敕軍營更築嚴圍自赤谿至故市

方輿紀要卷七十八赤谿在夷陵州西北五里卽陸抗築城圍步闢處東合大江或謂之東坑水經江水注東逕故城北

所謂陸抗城也城卽山爲墉四面天險江南岸有山孤秀從江中仰望壁立峻絕北對夷陵縣之故城又方輿紀要卷七十八引胡氏云故市卽步陽故城所居城市而闢別築城故曰故市云

吾寧棄江陵而赴西陵況江陵牢固乎

此卽江陵城東北所謂北海之地說見魏志王景傳

注各保分界無求細益而已

晉書羊祜傳作各保分界而已無求細益文義較順

審刑罰以示勸沮

何云罰宋本作賞

癸亥景亦遇害時年三十一

水經江水注樂鄉城吳陸抗所築後王濬攻之獲吳水軍督
陸景於此渚也隋書經籍志典語十卷典語別二卷陸景撰
又集一卷

具體而微可謂克構

何云宋本構下有者哉二字

番禺許之璇初校

番禺陶邵學覆校

三國志注補卷五十八

南海桂銘珠再覆校

三國志注補卷五十九

仁和趙一清撰

吳志吳主五子列傳第十四

登辭疾不受

何云侯宋本作疾

權稱尊號立爲皇太子

方輿紀要卷二十引宮苑記云西池吳宣明太子孫登所鑿也亦謂之太子池在建康宮西隅因名一清案傳云謚宣而記云宣明誤也

而謝景范慎才玄

何云古無刁字宜從宋本作刀

注凝辨宏達言能釋結則謫景

何云凝魏氏春秋作淑

注後四人皆敗吳人謂衛之言有徵

何云景慎未嘗敗也

蔣修虞翻志節分明

何云此虞翻字疑誤於時仲翔沒交州已十餘年且未嘗廁迹宮僚也

謝景者字叔發南陽宛人在郡有治迹吏民稱之

水經贛水注白社有徐孺子墓吳嘉禾中太守長沙徐熙於墓隧種松太守南陽謝景於墓側立碑

黃武七年封建昌侯

寰宇記卷百十一 孫慮城在建昌縣南一百里城南有青石
井可深十丈常冬夏有水

所尚曰新北方近漢

一本北作比

久之尚書僕射存上疏曰

存上失其姓

於是假節開府治半州

方輿紀要卷八十五半洲城在九江府西九十里晉所築一
清案孫慮封昌侯今南康府之建昌縣也北去九江尋陽
僅九十里耳故開府於此然必有城治或晉時因其舊基修
築之耳

注後諸葛豐僞叛以誘魏將諸葛誕

豐字當依權傳作壹

是後王夫人與全公主隙

何云宋本夫人下有饗始二字公主下有有字

注尚書丁密等奉禮而行宗祀太子

何云祀從宋本改事

敕據晃等無事忿忿

一本忿忿作忿忿

竟徙和於故鄣

方輿紀要卷九十一 故鄣城在湖州府長興縣西南八十里

秦滅楚置鄣縣爲鄣郡漢爲故鄣縣屬丹陽郡吳屬吳興郡

一清案是時尙未置吳興縣仍屬丹陽

太元二年正月封和爲南陽王遣之長沙

方輿紀要卷九十嚴州府淳安縣西三十里有普慈山上有太子城孫和嘗避難於此

追謚父和曰文皇帝改葬明陵

寰宇記卷九十四烏程縣西陵山孫皓改葬父和於此號曰明陵卽卞山之別嶺也

注曰使相繼

宋書禮志曰使二字作日夜

注顏色如平生日

宋志無生字

皓於金城外露宿

方輿紀要卷二十金城在上元縣北三十五里括地志在江乘蒲洲上相傳孫吳所築

注但遂前到九里固覩出擊大破之

方輿紀要卷二十引史作九里汀孫皓傳作牛屯

孫霸字子威和同母弟也

何云同母二字衍傳後云霸二子與祖母謝姬俱徙烏傷則和出自王霸出自謝矣

霸二子登基

何云少章云此傳霸次子名壹而孫彞庶子亦名壹疑此傳壹字誤彞特宗室爲庶子命名理不得與皇孫同卽其在前

著之屬籍亦當有所避矣

孫奮字子揚霸弟也母曰仲姬太元二年立爲齊王居武昌權薨太傅諸葛恪不欲諸王處江濱兵馬之地徙奮於豫章

水經贛水注王步側有城云是孫奮爲齊王鎮此城之濱今謂之王步蓋齊王之渚步也郡東南二十餘里又有一城號曰齊王城築道相連蓋其離宮也寰宇記卷一百六齊城在洪州南昌縣東陸路二十里諸葛恪徙齊王奮居於此

注慈字孝宗彭城人見禮論撰喪服圖及變除行於世

隋書經籍志梁有喪服變除圖五卷吳齊王傳射慈撰

豫章太守張俊

此人卽造豫章雙闕者

三國志注補卷五十九

番禺許之璇初校

番禺陶邵學覆校

南海桂銘球再覆校

三國志注補卷六十

仁和趙一清撰

吳志列傳第十五

後太末豐浦民反

郡國志會稽郡太末注左傳謂姑蔑初平二年分立新安縣
建安四年孫氏分立豐安縣二十三年立遂昌縣方輿紀要
卷九十三太末城在衢州府龍游縣治西

時王朗奔東冶

宋書百官志東治令一人丞一人南治令一人丞一人江南
諸郡縣或置治令或置丞多是吳所置
而建安漢興南平復亂

寰宇記卷一百一建州建安縣孫策於建安初分東侯官之地置卽以年號爲名浦城縣本漢東侯官之北鄉也獻帝末立漢興縣吳永安三年改吳興又邵武縣本漢東侯官之北鄉也建安元年孫策稱會稽守置南平縣吳景帝三年改爲昭武晉太康三年改邵武

是歲八年也

八年上何氏校增建安二字

別屯大潭

方輿紀要卷九十七大潭城在建寧府建陽縣治西志云昔閩越王築城於此以拒漢下敵溪潭因名今有大潭山山勢

蟠屈

別屯蓋竹

蓋竹鎮在建陽縣南二十五里台州府黃巖縣溫州府平陽縣皆有蓋竹山俱非建陽之蓋竹也

大潭同出餘汗

音干

大潭二字何氏校衍

令楊松長丁蕃畱備餘汗

宋書州郡志永嘉太守領縣有松陽吳立楊當作陽二字倒互

三將又降

三疑作二

齊表言以葉鄉爲始新縣而歛賦帥金奇萬戶屯安勤山毛甘

萬戶屯烏聊山夥帥陳僕祖山等二萬戶屯林歷山

方輿紀要卷九十嚴州府淳安縣漢丹陽郡歙縣葉鄉地孫

吳析置始新縣爲新都郡治城在今縣西六十里威平鎮武

彊山在遂安縣西六十里與歙之白漈諸嶺相錯武彊溪在

城南源出武彊山水經漸江水注云立始新之府於歙之華

鄉華鄉卽葉鄉也郡國志汪引魏氏春秋歙有安勒烏邪山

夥有林歷山烏邪卽烏聊也

陰募輕捷士爲作鐵戈

戈當作杙何云杙所以緣而上也舊刻鴻作戈今以水經注

校正

以戈拓斬山爲緣道

何云斬山字亦誤當作塹以杙拓塹不然拓斬二字連文義可通乎

大軍因是得上大破僕等其餘皆降凡斬首七千

方輿紀要卷九十一柵源在淳安縣東北四十里吳賀齊與山越戰樹柵於此因名

十六年吳郡餘杭民郎稚合宗起賊復數千人

宗宗賊也此言合宗起賊蓋合宗起共作賊而章懷後書劉表傳注以宗黨共爲賊解之非矣

徐盛被創失矛

御覽卷三百三十九引吳書云徐盛失牙謂牙旗也權作黃龍大牙見胡綜傳

龍大牙見胡綜傳

圖襲安樂

方輿紀要卷七十六 安樂磯在武昌縣東三十里

注景子邵別有傳

此六字是承祚本書非注也

補尙書郎右丞

此有脫誤

注徐眾評曰

眾當作爰

注斯亦馮媛市義

媛乃譏之譏

權分三郡險地爲東安郡琮領太守

權傳東安置郡在黃武五年至七年罷

隔絕障海

障當作瘴

案說文無瘴字
古假障爲之

琮旣親重

御覽卷七百十引吳書曰全琮年高賜以履杖

擇兄子禕儀靜等亦降魏皆歷郡守列侯

全琮諸孫無名靜者此是因孫靜之孫曰彌曰曼同降而誤寫入耳彌曼二人見晉書文帝紀而紀云全端兄子禕及儀等奉其母來奔儀兄靜時在壽春用鍾會計作禕儀書以誦靜靜兄弟五人帥其眾來降亦誤也魏志鍾會傳作密爲禕儀書使親信入城告擇擇開東門出降諸葛誕傳亦作全擇

則靜字爲誤無疑會傳又云孫靜從子翩緝是又與晉紀彌
曼二人之名不同然當此志孫亮傳爲據

其入陰山城

宋書州郡志陰山乃漢舊縣而屬桂陽吳湘東郡有此縣疑
是吳立

高涼賊帥錢博乞降

宋書州郡志高涼太守二漢有高涼縣屬合浦建安二十三
年吳分立治思平縣不知何時徙吳又立高熙郡太康中省
併高涼一清案高熙晉書地理志作高興此誤也晉志云桓
帝分立高興郡靈帝改曰高涼吳蓋因漢舊名也

以博爲高涼西郡都尉

郡乃部之謫

岱表分海南三郡爲交州以將軍戴良爲刺史海東四郡爲廣州岱自爲刺史

晉書地理志黃武五年割南海蒼梧鬱林三郡立廣州交趾日南九真合浦四郡爲交州據此三當作四四當作三又晉志云分交州之南海蒼梧鬱林高涼四郡立廣州則東海亦四郡也高涼爲吳所立此但數漢舊郡故以四爲三

又遣從事南宣國化暨徼外扶南林邑堂明諸王各遣使奉貢方輿紀要卷百十二堂明國在海岸大灣中北距日南七千里卽道明國也

故督蒲圻

故當作改

斬式及遣諸所僞署臨賀太守費楊等并其支黨郡縣悉平
宋書州郡志臨慶內史吳分蒼梧立爲臨賀郡屬廣州領縣
有臨賀侯相漢舊縣晉太康地志王隱云屬南海而二漢屬
蒼梧當是吳新度又建興寧新皆吳所立

與胡綜戮力攻討

何云綜下御覽有等字

又命諸葛亮進指關西

亮字以孫權傳校當作壹

若未徑到江岸可住百里上

百里洲名也水經江水注枝江縣舊治沮中後移出百里洲

西去郡一百六十里縣左右有數十洲槃布江中其百里洲
最大中有桑田甘果映江依洲

注徐眾評曰

眾當作爰

豫章臨川並受其害

朱然傳權分丹陽爲臨川郡此卽其地

子處亦有文武材幹天紀中爲東觀令無難督

晉書周處傳處字子隱少孤不修細行縱情肆慾州曲患之
處自知爲人所惡乃慨然有改勵之志入吳尋二陸勵志好
學志存義烈仕吳爲東觀左丞孫皓末爲無難督及吳平王
渾登建鄴宮釀酒旣酣謂吳人曰諸君亡國之餘得無惑乎

處對曰漢末分崩三國鼎立魏滅於前吳亡於後亡國之感
豈惟一人渾有慙色處著默語三十篇及風土記并撰集吳
書謚曰孝

注處子玘札

玘字宣佩札字宣季

注徐眾評曰

眾當作爰

注始興太守羊衜與太常滕胤書曰

晉書地理志始興郡吳置

魏遣漢髮縣長郭純試守武陵太守

髮當作葭方輿紀要卷七十三酉陽宣撫司有遷陵城在司

東南接湖廣辰州府界漢葭屬武陵郡三國時爲吳界魏已亡蜀遣漢葭長郭純試守武陵太守率涪陵民入遷陵界屯於赤沙誘動諸夷進攻酉陽吳遣鍾離牧討平之志云遷陵酉陽兩縣相去水道可四百許里赤沙在其間漢葭縣見華陽國志又酉陽廢縣在司東胡氏曰三國漢分置酉陽縣於此屬涪陵郡晉省或以爲漢武陵郡之酉陽縣誤也漢葭縣見華陽國志晉書地理志屬涪陵郡

敕外趣嚴掾史沮議者

史當作吏

五谿平

方輿紀要卷八十一辰州府漵浦縣南一里有車靈城靈吳

叛臣也入激谿以自保吳將鍾離牧討殺之城址尙存

注育謂牧曰

何氏衍曰字

注蒙國威靈自濟今日何爲常

何云句有脫字

注爲建平援

何云宋本爲作與援作接

注盛以施績畱建平

畱平畱贊次子建字衍

番禺許之璇初校
番禺陶邵學覆校

三國志注補卷六十

南海桂銘球再覆校